

V.
C.
4121



2
f. 56. 28.



Eine Freudenreiche Christliche
Dankſagung.

Als der Gnadenreiche
Herr vnd Siegesfürst
Jesus Christus / Der Königlichen
Majestät zu Schweden / so wohl auch vnsern Gnä-
digsten Chur vnd Landesfürsten / den 8. Septembris die-
ses 1631. Jahres vor der Wohlberühmbten Stadt Leipzig
Wieder des grimmigen Feindes Graff Johann Tillen
Macht vnd Gewalt die Victoria vnd Sieg / sein allein-
seligmachentens Göttliches Wort / zu beschir-
men / verliehen vnd geben /

Samt einen ernstlichen imbrünstigen Christlichen
Gebet / das die H. Hochgelobte Göttliche Dreyfaltigkeit /
doch die Jammerhafftige instehende grosse Noth / vnd Ges-
fahr / vollents von seiner Evangelischen Herd vnd Kir-
chen / bald mit grossen Gnaden abwenden vnd sein armes
geringes Heufflein vor der Blutdürstigen Kezer wüten
vnd toben gnediglichen befriedigen / schützen vnd
Handhaben wolte / gestellet durch

Damianum Türckissen / seines Ge-
sichts beraubten Bürger vnd Poeten
zu Torgaw.

Gedruckt im Jahr / M. DC. XXXI.

140

28 28 28





Dancksagung vnd Gebet vor die erlangte Victoria vnd Sieg.

M Ch Edlster Wort Herr Jesu Christ/
Der du der Sieges Fürste bist/
Dir ewign Himlischn Triumpff Vater/
Der Seelen Heil vnd wohlthäter /
Danck ich diesn Augenblick vnd stund /
Aus gansn gemüth vnd Herzen grund /
Das du viel gütigr Heyland mild /
Das Vaters Glanz vnd Ebenbild /
Der Königlichen Mafestat
Zu Schweden / HERR auß lauter Gnad /
So wohl den Lands Fürsten erfohrn /
Unsern gnedigsn Herrn Hochgeborn /
Den Achten Septembris dießs Jahr /
Christliebends Herrs nimbs eben war /
Wieder des Blutgierigen Feinds Lück /
HERR die Victoria vnd Sieg
Vorliehn / das sie durch dein Beystand /
Graff Johan Lilln mit Nahmen gnand /
Zu Ross vnd Fuß viel Regiment /
Krieges Volck erlegt vnd zutrent /
Denn ober Hundert Tannelein /
Ihn abgenommen worden sein /
Welche Königlich Würd' auß der Schlacht /
Mit Ruhm vnd Ehrn davon gebracht /
Der Feind hatte vnß durchs Babsts Reitt /
Das gewliche Blutath zubreit /

A i j

Das

LB 2222

Das er die Meißnische Christen all/
 Zu gleich in einer Suth vnd Zall.
 Stracks mit des Sathans hilff allein/
 Gar eylents vnd schnell wolt felln darein/
 Aber die meisten vnter seinem Heer/
 Thets du selber darein stürckn Herr/
 Seinn Bogn hatt er getrewr Heyland/
 Schon wieder deine Heerd gespannd/
 Vnd zielt mit ganken fleiß darauff/
 Das er sie ganz wolt reiben auff/
 Mit diesen grossen vnglück ist/
 Er schwanger gegangen zu diese freist/
 Abr du hast ihn doch auff den Plan/
 Hirinn ein Feil gebehren lan/
 Das schnöde Vntraut der Blut Hund/
 Wehr bald selber mit gegangen zu Grund/
 O du mein edlster Schatz vnd Hort/
 Des ewign lebens Liecht vnd Pfort/
 Mein Herr jauchzt stets vor frewdn darob/
 Vnd ist recht frölich in Jacob/
 Das du liebreicher Herr Jesu Christ/
 Vns allen so genädig bist/
 Vnd hast vns nicht mit Leib vnd Leben/
 Dem Feind in seine Hand gegeben/
 Das er vns deine Christn in Suth/
 Nicht plözlichr weiß thet bringn vmb/
 Sondrn hast die seinen auff den Plan/
 Führ vns zu scheidern gehen lan/
 Das sie dort auff der Walstade nun/
 Wie die Schaff beyssammen liegn thun/

Drumb



Drumb singe Herr deine Christenheit/
Wehr Gott nicht mit vnß diese Zeit/
Hettn wir von des Meers Ungeßüm/
Plözllicher weisß muß kommen vmb/
Wir wern/als wie eine Wassr Flut/
Brseufft/die schnell herausschn thut/
Die Welln hettn vnßr Schifflein zur stund/
Sampt deiner Schar gestürst zu grund/
Abt sie HERR Christ des Feindes Strick/
Sein gewalt Tyrannen vnd Lück/
Sind nu zu diesen mahl entzwen/
Vnd wir sind der fast ledig vnd frey
Solt ich dir grossn König der Ehren/
Der du vns allen hilffst so gern/
Denn nicht vor diese Wolthat Heut/
Bin Dancß vnd Lobopffer machn bereit/
Das du trawter HERR Jesu Christ/
Der du voll grosser Güte bist/
Deiner rechtgläubign Herd vnd Schar/
Stracks mitten in der grossn gefahr/
Diese Überschwengliche Wolthat/
Erwiesen hast auß lauter Gnad/
Ach du holdseliger Heyland/
Wein aller höchstes Gut vnd Pfand/
Hast Herr durch dieß Königlich Person/
Vnß sehr groß heil wiedr fahren lan/
Denn der streitbare kühne Held/
Sehr hochberühmt in aller Welt/
Gustavus Adolphus genand/
Kempfte für dein Wort vnd ganz Deudschland/

Churfürst Johann Georg vnd Er/
 Thun den arglistigen Wolff vnd Beer/
 Mit deiner Allmächtigen Hülff vnd Stärck/
 Abtreiben Herr von deinen Weinbergk/
 Das er vnd sehr viel Wilde Schwein/
 Denselben nicht thut reissen ein/
 O last vnß Gott mit heller Stimm/
 Vor diese Wolthat preisen vnd rühm/
 Singet das Te Deum laudamus bald /
 Das es bis in den Himmel schalt/
 Bringt den berühmten Helden auch/
 Nach der Vhralten Römer brauch/
 Heut strackß zu Ruhm vnd Ehren nun/
 Zwen Sieges Krenß von Kauten grün/
 Vnd ihn dieselben fein auffsetzt/
 Weil sie Gott des Siegs würdig schätzt/
 Thu ihnen auch Gnade geben/
 Vnß zu erretten Leib vnd Lebn/
 Thu Herr Christ diesen hohen Personn/
 Noch ferner hülfflich beywohnen/
 Vnd spar sie auch zu aller stund /
 An Leib vnd Seel frisch vnd gesund/
 Hilff ihnen zu diesen bösen Zeiten/
 Selbr vor dein wahrs Wort kempffn vnd streiten/
 Wie du den Tapffren Held Gideon/
 Zu lebenszeiten hast gethan/
 Der Midianiter König er /
 Mit deiner Gnad vnd Hülffe HERR /
 Seba vnd Salomona mit Nahm/
 In seine Hand gefangn bekam/

ANNA

Wolst Herr den Tilt mit Leib vnd Leben/
Auch bald in ihre Hände geben /
Weil er deiner gläubigen Christen Blut/
Wie Wasser vergossen auß frewdn Muth/
Laß ihn Herr diese Ungeberden /
Wieder mit Blut vergolten werden/
Vnd bezahle ihn solchs auff seinn Kopff /
Daß er zu scheiden muß gehen darob/
Ich wil dir Herr in der gemein /
Von Herzen davor danckbar sein/
Ihr Musicanten wo seyd ihr /
Tret nu in Gottes Nahm herfür /
Vnd brauchet ewr lieblich Instrumente/
Laßt sie frewdnreich erklingen behend /
Trometen vnd Heerbauckn auch vor alln/
Den mächtigen Helden zu Preiß erschalln/
Daß man des Herren Güt vnd Gnad/
Sein darauß zu vernehmen hat/
Daß er daß Vaterland so getrost/
Von der Feinde Tyranney erlöset /
Damit sein gläubig Kirch vnd Herd /
Im schwang erhalten werd auff Erd/
Ich wil dir wahren Gottes Sohn /
Zu sampt den Vatr ins Himmels Thron /
Vnd Gott den Heiligen Geist davor /
Hoch rühm vnd preisen in der Engel Chor/
Drauff sprechn wir nu in deinen Nahm/
Mit frölichen Herzen Amen / Amen.

Das



Das ander Gebet.

D Jesu wahrer Mensch vnd Gott/
Dich starckn Erreter auß aller Noth/
Ruff ich hart geängste Person/
In der Hoffnung vnd Glauben an/
Denn mein Herz weiß das du Herr Christ/
Zu helfen sehr geneiget bist/
Alln denen die dir thun vertraun/
Vnd in der Noth fest auff dich bawen/
Erscheinst stets Hilffreich / wie man
Auff vielen Exempeln erkennen kan:
Da deinen trewn Knecht Mose nur/
Ein Seuffzer auß seinem Herzen fuhr/
Thatst du mir deinn Heilwertign Ohren/
Sein innrlich G'schrey bald erhörn/
Ob er gleich den Mund an der Stadt/
Vnd seine Lippen nie auff thet/
Gaben dirß doch seine Seuffzer rieff/
Dadurch er Inniglich zu dir rieff/
Daß er damals Barmhertzige Gott/
Zwischen zweyn Bergen stuck in Noth/
Vnd vorl Köniz Pharao den Bluthund/
Gar niergents hin entweichen k'nd/
Die Flut des rohen Meers dein Hand/
Drauff eilends vnd schnell von einander trant/
Daß er daß ganz Ysrael/
Mit trucknen Fuß durch wandelt schnell/
Daß Kananische Weibelein/
That dich auch sehr vmb Hilff anschreien/

Von

Von wegn daß ihre Tochter jart/
 Vom Teuffel vbel geplagt ward/
 Vnd ob sie gleich zur selbign stund/
 Deine Hülff nicht flugs erlangen kund/
 Sondern von dir mit Worten hart/
 Drenmal starck abgewiesen ward/
 Ehet sie doch nicht ehe abelan/
 Du gewehrest sie HErr die Hülffe dann/
 Ich lasse mit mein Erbet von dir/
 Auch nicht ehe ab mein Kron vnd ier/
 Du als der wahre Mensch vnd Gott/
 Hilffst denn deiner Christnheit auß Noth/
 Welche zu dieser letzten frist/
 Auch eben der maß HErr Jesu Christ/
 Von des Feindes Vngeberden/
 Sehr hefftigen geplagt thut werden/
 Denn er ist mit den seinen alln/
 Plötzlich HErr in dein Erb gefallen/
 Vnd hat deiner gläubign Christn Blut/
 Wie Wasser vergossen auß freßlen Muth/
 Dazu das werde Deutscheland/
 Hefftig verwüst mit Raub vnd Brand/
 Wir müßens zwar bekennen vnd sagen/
 Daß wir all diese Straffen vnd Plagn/
 Vmb dich heilwertign Gottes Sohn/
 Leider all zu wol verdiene han/
 Denn vnser Väter in der Zahl/
 Vnd wir auch selber allzumall/
 Dich langmütigen Gott biß her/
 Zu Zorn vnd Grim gereizet sehr/
 Mit vielerley grobn Sündn die wir/
 Ohne furcht vnd schew begangn für dir/
 Vnter welchn diese/ HErr zur frist

n

AAAA

Die vornembste vnd grösste ist/
 Das wir dein Heilig Göttlich Wort/
 Veracht vnd nie gern angehört/
 Des Fleisches wolust/ Herr deine Schar
 Viel angenehmer vnd lieber war/
 Als das sie dein heilsamen willen/
 Mit fastn vnd beren solen erfüllen/
 Vnsre Herzn hütgen wir auch stets/
 An die schöne Hoffart vnd den Geiz/
 Ließn vnß das zeitlich Gut gemein/
 Liebr denn die Himelische Schätze sein/
 Thern vnß Herr/des Etendn vnd Armut/
 Diechsten vnd Mit Christn nicht erbarmn/
 Thaten des Buchers mit begier/
 In Häusern vnd Krämm abwaren dafür/
 Vnd reichten den Armuth in der Noth/
 Mit willen nicht gern ein bitten Brodt/
 Ob diesen vnd andern Sünden mehr/
 Welch sich vnter vnß gehäufft sehr/
 Ist Herr Christ dein gerechter Zorn/
 Entbrant vnd ganz ergrimmet worden/
 Wilst vnß nu drob mit Leib vnd Lebn/
 In der Blutdürstign Hände gebn/
 Das sie mit vielerley Muthwilln/
 Ihr Mächlein an vnß sollen kühl/
 Wie gar schreckliche Zeichen vnd Wunder/
 Vnß zu vernehmen gebn ihunder/
 So haben Herr die grimmigen Feind/
 Der eine mächtig anzahl seynd/
 Auch zu den vorstehenden Unheil/
 Ihre Schwerdter/ Bogen/ Spieß vnd Pfeil/
 Auff vnß Herr Christ wahrer Gottes Sohn/
 Bewekt vnd gescherffet Schon/

EBERLE

Vnd dieselben mein Zuversicht /
Dermassn gefeget vnd zugericht /
Das wann wir vber die Gassen gehn /
Thun wir sie schimmern vnd blincken sehn /
Ach das thut mit viel zittern vnd zagn /
Vnsern Herrn furcht vnd schrecken einj agn /
Das wir vor Angst trübsal vnd Pein /
Ihnd nicht wissen wo aus noch ein /
Da wir in diesen Ungefell /
Wöchten habn ein sicheren Ort vnd Stell /
Das vnß der Feind voll Zorn vnd Grimm /
Nicht auch plösglich het bringen vmb /
O werter Heyland Gottes Sohn /
Zu dir einigen Gnaden thron /
Flihn wir allein wahr Mensch vnd Gott /
In dieser grossn gefahr vnd Noth /
Denn du bist vnß vom Vater dein /
Zur Versöhnug gemacht allein /
Suchn drum bey dir HErr früh vnd spat /
Ohn vnterlaß Trost / Hülff vnd Raht /
Flehn dich daneben zu diese Stund /
Von ganker Seelen auß Herrn grund /
Thue HErr das gewlich Blurbath doch /
Von vnß genädig abwenden noch /
Das wir sampt Weib vnd Kindern klein /
Nicht plösglicher weiß gerahen drein /
Wie denen zu Magdeburg geschehn /
Wann du HErr vnse Sünd wolst ansehen /
Welch den Staub oder Sand am Meer /
Mit ihrer Meng vberwegn sehr /
Können wir mit vnsern bösn Wesn /
Freyllich nicht ein Augnblick genesn /
Sondrn müßn darüber in deinen Grimm /

Durch der Feinde Schwert kommen vmb/
 Aber du als ein viel gültig Gott /
 Wirft dich in diese gefahr vnd Noth /
 Herr dein grundlosn Barmherzigkeit /
 Erinnern thun zu dieser Zeit /
 Welche von der Welt her zu alle frist /
 Bis Menschen bereit gewesen ist /
 Der Sünden vnser jugent Herr /
 Vnd aller Vbertretung schwer /
 Wollstu gegn vns mit Straff vnd Pein /
 Ihnder ja nicht ind encl sein /
 Sondern deinr Gemein auß Lieb vnd Treu /
 Alle ihre Mißhandlung verzei /
 Verstos vns ja darüber nicht /
 Von deinr heilwertign Angesicht /
 Ach süßer Hort Herr Jesu Christ /
 Der du vollr Güte vnd Gnade bist /
 Bedenck doch wie Sauer vnd schwer /
 Dir deine Christen sein worden Herr /
 Da du sie Himlisches Schlachtlamb /
 Erlösen tharst auß Creuzes Stam /
 Hastu freundseltiger Heyland /
 Der Seelen höchstes Gut vnd Pfand /
 Ihnen ja dein Rosinfarbs Blut /
 Sankt dreunmal vergoffn zu gut /
 Wollst sie drum nicht mit Leib vnd Lebn /
 Den Feind zu tödten vbergeben /
 Sondern verheng die Mißthat /
 Die deinen Zorn erregt hat /
 Vnd versenck all vnser Sünd O Herr /
 In den grundlosen Gnaden Meer /
 Deiner Heiligen fünff Bundn roht /
 Die du dir selber wahr Mensch vnd Gott /

Auß grosser Liebe vnsern wegen/
 Mit Angst vnd Schmerz hast lan anlegn/
 Vnd weil wir dir dann ingemein/
 Rechte Sauer vnd schwer ankommen sein/
 Wirstu deiner hoch erkauften Schar/
 Ja HErr in dieser grossn gefahr/
 Dich als ein gürtiger Heyland nun/
 Genädiglich erbarmen thun/
 Vnd dieselbe stracks auß allen Nöthen/
 Mit deiner starcken Hand erretten/
 Beym Vater sie HErr auch vertritt/
 Vnd deine Christenheit verbitt/
 Das er vmb deiner Willn allein/
 Ihr wiederumb gnädig thut sein/
 O Das wir vnß den bösen Sathan/
 So schendlich haben verführen lan/
 Vnd sind von deinen Gebottin HErr/
 Iender allesampt gewichen sehr/
 Ach wie rewt vnß diese Wisschar/
 Das wir damit dein Huld vnd Gnad/
 Gröblicher weiß haben verschert/
 Welchs vnß sehr hefftig beist vnd schmerzt/
 Du wahrer Sohn Gottes sihe du weist/
 Das unsere Herkn allermeist/
 Bisher in deinen grimmign Zorn/
 Sehr zerschlagen vnd zerknirscht sein wordn/
 Hilf vnß drum durch dein leydn vnd sterbn/
 Des Varn Huld wiederumb erwerbnt/
 Vnd richt vnß allen sämplich drauff/
 Bald wiederumb mit Gnaden auff/
 Das wir erkennen das du HErr Christ/
 Allein vnser Gott vnd Heyland bist/
 Wir wolln vnß stracks von Herzen nun/
 Zu dir wendn vnd befehren thun/



In ein heilig Gottselig Leben /
Vns nach deinen wahren Wort begeben /
Von Sünden auch schnell abestahn /
Vnd gutes zu thun fahen an /
Sie HErr das gelobt an diesn End /
Dir deine Christnheit in die Händ /
O heiliger Geist von Gaben reich /
Wir deine Christen allzugleich /
Ruffen dich an vnd bitten dich /
Heilsam Tröster Grundherziglich /
Hilff vns doch mit deiner Krafft vnd Stärck /
Den guten Vorsatz richt ins Werck /
Daß dir / den Vater vnd den Sohn /
Als den wahren Gott ins Himmels thron /
Vnser thun vnd Wesen in alln /
Hie vnd dort ewig mag gefallen /
Vnser Herz dazu vnser Zung vnd Mund /
Soll HErr deins Nahmens Ehr all Stund /
In der Gemeine rühm vnd lobn /
Wann du daß gewlich wüen vnd tobn /
Der Feind vnd Tyrannen in Summ /
Gnädig abwendest wiedrumb /
So du nu HErr deine Christnheit /
Die sich zum wahren Gottesdienst bereit /
Hinfüro stets gnädig walten /
Vnd vnser Land in Friede erhalten /
Seine starcke Seuln die bis her /
Ob deinen Grim erzittert sehr /
Auch noch fernr in Friede vnd Ruh /
Mit deinen Arme fest halten thu /
Daß sie kein Feind auß Zorn vnd Grimm /
Mit seiner Gewalt thu reissen vmb /
Den stärcksten Pfeiler dir beland /

Den

N N N

Denn du HErr sehr viel Leut vnd Land /
 Gewalt / Macht / Ehr vnd Gut darnebn /
 Hast Väterlich verliehn vnd gebn /
 Mit alln den seinen fort vnd fort /
 Vnd deinen Seligmachndn Wort /
 Schützen vnd handhabn thu mit fleiß /
 Vnd halt ihn fest zu deinen Preiß /
 Daß denselben weder Nacht noch Tag /
 Kein Aderlein verschret werden mag /
 Den Hellschen störn Frieden / HErr
 Nämlich den Sathan stow vnd wehr /
 Daß sein Blutgieriger wille nicht /
 An vns ins Werck thut werden gericht /
 Denn er hilfft vielen Potentaten /
 Auffß aller trewlichste dazu rathen /
 Daß die Evangelische reine Lehr /
 Soll außgerottet werden gar /
 Aber du als ein sehr starker HErr /
 Wirst selber retten thun dein Ehr /
 Denn du hast dich deiner liebsten Braut /
 Der Christlichen Kirch ewig vertrawt /
 Vnd dich gegen sie gar hoch verpfand /
 Daß sie nicht wieder werden zurant /
 Sprachstß drum zu deinen Jüngern dort /
 Auffn Berge Thabor diese Wort /
 Du bist Petrus auff dich allein /
 Wil ich fest bauen meine Gemein /
 Daß sie die starken Pforten der Hells /
 Ewig nicht vberweltigen solln /
 Wirst dieser Trostreichen Verheißung dein /
 HErr ja noch Väterlich indenck sein /
 Werley Gnad wir bitten dich /
 Von alln Kräfften demütiglich /

Das

Daß wir recht gläubige Christen dein/
 Bey der erkantten Wahrheit rein/
 An dir HErr Christ war Mensch vnd Gott/
 Bestendig bleiben bis in Todt/
 Müßn wir gleich Sur/ Blut/ Leib vnd Lebn/
 Dabey zusehen vnd auffgebn/
 Ist doch viel besser seelig sterben/
 Als in des Pabsts Grewl verderben/
 Vnd trüber in der Hellen Pein/
 Mit Leib vnd Seel verstoffen sein/
 Dafür dein hoch-erkauftte Schar/
 Daß kleine Heufflein HErr bewahr/
 Nach einer Nothwendigen Bitt auch nu/
 Deinn Diener auch gewehren thu/
 Den Blutign Krieg vnd Streit der sich/
 Der Religion halben anfahn erstlich/
 Durch deine Allmacht HErr abwend/
 Vnd bring ihn bald zum guten end/
 Das dein Wort der viel Edle Schak/
 Noch ferner guten Raum vnd Blak/
 Wieder der Keger Schar in allen Stuel/
 Erhalten thut mit Belucl vnd Sieg/
 D aller schönste Herken Blum/
 Des Vaters Glanz vnd ewiger Ruhm/
 Sprich doch wanns deine Allmacht gefel/
 Es werde friede in alle Welt/
 So muß der grosse Tumult vnd Streit/
 Ein ende nehmen in kurzer Zeit/
 Denn du HErr kaufts mit deiner Gewalt/
 Die Feind vnd Tyrannen feltn gar bald/
 Pharao vnd seinen Hauffen gerüst/
 Solchs ebner massen geschehn ist/
 Stürzt ihn dazu sein ganzes Heer/

100

Stracks mitten in das rothe Meer/
 Das er sampt Wagn vnd Kossn zur stund/
 Darin plöcklich het gehn zu grund/
 Den Hauptman Holoferno kühn/
 Hest du eines Weibs Hand richen hin/
 Das er Bethulia der Stadt/
 Kein einig Leud zu fügen that/
 König Antiochius der Bluchand/
 Sein Krieg auch nicht vollenden kund/
 Denn da er ihn durch seine macht/
 Wieder von Newst an zu stellen dacht/
 Schickes du ihn sein Jngeweide / HErr
 Stracks eine reissende Si che sehr schwer/
 Darvor er weder früh noch spat/
 Gar keine Rast noch Ruhe hat/
 Sondern zur selben Zeit vnd fahrt/
 Von der Kranckheit gepeiniget ward/
 Darcin er vnterwegens sang/
 Sein ganker Leib ward faul vnd stanc/
 Denn es wuchsen lebendige Maden ihm/
 Vnd vielerley Unflar darin/
 Das kein Mensch zu derselben stund/
 Vor stanc mehr bey ihn bleiben kund/
 Bis er nach vieler Qual vnd Pein/
 Seendes hat das Leben sein/
 Deinen vnd vnsern Feindn / HErr Gott
 Der Kegerischn Schar vnd Rott/
 Wirstu mit Hellischn Pein vnd Qual/
 Ihre Tückn auch ver geln ein mahl/
 Stille nur HErr Christ zu diest stund/
 Wir stehen dich drum aus Herken grund/
 Das schreckliche fausen vnd brausen HErr/
 Der Wellen vnd Wasserwogn in Meer/



Vnd gib deiner lieben Christenheit/
Bald widerumb Fried vnd einigkeit/
Dann wann dein Andltz leuchten thut/
So genesen wir du höchstis Gut/
Deinen seggen vns HErr ebner mahl/
Von oben herab anblicken laß/
Vnd gib deinr Evangelischn Schar/
Die dich fürcht/ gute fruchtbare Jahr/
Laß sie viel Weizen/Korn vnd Wein/
Obst/Dell vnd Bohnen ernden ein/
Das wir von deiner milden Hand/
Wieder erquicket werden allesampt/
Das Land frewe HErr vnd bessere sich/
Vnd gebe sein Gewächs reichlich/
Alle Städte vnd Dörffr ingemein/
Welche öde vnd wüste gemachte sein/
Laß auch bald künfftiger Zeit auff Erden/
Wie deinr Hülff wieder gebawt werden/
Auff das dein heilig Göttlich Wort/
Ganz sicher vnd frey an alln Ort/
Im heiligen Reich vnter vns alln/
Wieder lauter vnd rein ihu erschalln/
Berley vns solchs HErr Jesu Christ/
Der du der Oberste Kriegs HErr bist/
Das wir dein Brüdr vnd Schwestern allsampt/
Dein Hochgebenedeyn Rahmen/
Hie vnd auch dort nach dieser Zeit/
Mögen rühmen vnd preisen in Ewigkeit/
Drauff sprechn wir nu alle ingemein/
Wie starcker Hoffnung Amen sein.

E N D E

ULB Halle

3

004 824 504



VDA 7





82751P

ger
cher
fah
Herd
vnd
Kir
den
vnd
sein
armes
igen
Ker
wüten
/ sch
vnd
durch
/ seines
Ge
nd
Poeten



V c
4121

enreiche
ges Fürst
öniglichen
ch vnsern Gnā
Septembris die
en Stadt Leipzig
Johann Tillen
Sieg/sein allein
/ zu beschir
/ gen Christlichen
e Drenfaltigkeit /
se Noth/ vnd Ges
n Herd vnd Kir
den vnd sein armes
igen Kerer wüten
/ schützen vnd
durch
/ seines Ge
nd Poeten

XXXI.

